



Ralzaam le
dornak kawlni
hna caah
Tuallengsianginn
Tuan ah kai
Thawknak

Zeiruang ahdah tuallengsianginn a biapit?

Tuallengsianginn nih sianginn le nunnak lei hlawhtlinnak caah ngakchia pawl timhtuahnak kha a bawmh hna. Tuallengsianginn ah, ngakchia hna nih holh, nambar le sining pawl kong cawn dingah lentecelhnak an hman. Midang he i rem tein um ning, i hrawm ning, biachim ngaih ning le an lungthin umtuning uk ning zong an cawn. Cachimtu hna nih ngakchia hna kha cawnnak kongah theih duhnak, ser khawhnak le zumhnak ngeihter an bawmh hna. Kherhlainak nih a langhtermi ah tuallengsianginn kum 2 kai cu kum khat kainakin a thadeuh ti a si.

Tuallengsianginn Tuan ah kai Thawknak cu zeidah a si?

Tuallengsianginn Tuan ah kai Thawknak (Early Start Kindergarten) nih ralzaam asiloah dornak kawlm i dirhmun a simi kum 3 ngakchia hna kha zarhkhat ah suimilam 15 man loin asiloah man tlawm tein tuallengsianginn kainak a pek hna.

Tuallengsianginn Tuan ah kai Thawknak caah soknak pawl cu tuallengsianginn nih tuahmi an si. Tuallengsianginn Tuan ah kai Thawknak bawmhnak cu tuallengsianginn in dengteo tein a pekmi a si.

Ka fa cu aa tlakmi a si maw?

Aa tlakmi sinak dingah, tuallengsianginn kai an thawk Vaupi (April) 30 ah na fa cu kum 3 a si hrimhrim lai i nangmah asilole na fa nih:

- ralzaam asilole harsa bawmhnak visa a ngeimi na si lai asilole
- ralzaam asilole harsa bawmhnak visa a sokmi na si lai, asilole
- ralzaam asilole harsa bawmhnak visa a rak i tlaihmi a si lai, asilole
- a nungmi asilole a caan a dih cangmi ImmiCard a ngei lai.

Hi hna lakah pakhat hmanh aa tlak lo nain nangmah asiloah na fa cu ralzaam asiloah dornak kawltu na si ahcun, asiloah cu bantu hmuhtonnak na ngeih ahcun, na fa cu aa tlak rih men ko lai.

Luatternak kong hal dingah Fimcawnnak Zung kha pehtlaihnak tuah. Nangmah bawmtu thiamsang pakhat khat kha Zung he pehtlaihnak tuah ding zong na hal khawh fawn.

Sianginn kainak ca Timhtuahnak (Pre-Prep) cu zeidah a si?

Victoria ah kum li Ngakchia kainak Tuallengsianginn cu Sianginn kainak ca Timhtuahnak ah a cang. Hihi a sullam cu ngakchia nih sianginn an kai hlan kum ah lentecelhnak hmangin cawnnak le hawikomhnak caan tam deuh an hmuh lai tinak a si. Sianginn kainak ca Timhtuahnak cu adang tein a ummi (caan hoih in) tuallengsianginn le chun i caan sau zohkhenhnak hmun hna hmangin pek a si lai.

Sianginn kainak ca Timhtuahnak pakhat bantukin, Victoria ah khuazei na um zongah ralzaam asiloah dornak kawlm i dirhmun a simi ngakchia hna caah Manlo Tuallengsianginn caan cu a tam chin thluahmah. Sianginn kainak ca Timhtuahnak kong ah na tuallengsianginn riantuanpiaknak kha na hal khawh, suimilam zeizat dah an pek hna i na fa nih ze i ni dah a kai khawh timi zong telhchih.

Na fa kha Tuallengsianginn Tuan ah kai Thawknak ah minkhumh a si cang ahcun, Sianginn kainak ca Timhtuahnak ca zong ah aa tlakmi an si.

Bawmhnak hmuh khawhnak hmun pawl le calehnak pawl telhchih in Sianginn kainak ca Timhtuahnak kong tamdeuh hmuhnak caah, hika ah zoh: vic.gov.au/pre-prep

Zeitindah ka fa cu minkhumhnak ka tuahpiak lai?

Na fa kha na pawng i a ummi tuallengsianginn riantuanpiaknak asiloah na umnak hmun council he pehtlaihnak tuah in Tuallengsianginn Tuan ah kai Thawknak le Sianginn kainak ca Timhtuahnak hmuh khawhnak nawl halnak in na fa a minkhumhnak na tuah khawh.

Holhlettu na herh ahcun tuallengsianginn kha chim hna, zeicahtiah annih nih man loin telefon (phone) in holhlehnak lei riantuanpiaknak kha an hman khawh.

Minkhumh dingin bawmhnak na herh ahcun, Fimcawnnak Zung, asiloah an bawmtu thiamsang pakhatkhat kha hal hna, hi bantuk:

- bawmhchanhnak lei riantuantu
- nunphung pahnih lei riantuantu
- nu le ngakchia ngandamnak lei siisayama
- bawmhmi lentecelhnak phu tawlreltu
- Nunphung le Holh lei Dannak (CALD) Ahmun i Riantuantu.

Ka fa cu Sianginn kainak ca Timhtuahnak/kum li tuallengsianginn ah a kai awk a si maw?

A si. Tuallengsianginn Tuan ah kai Thawknak hnuah, na fa cu man loin asiloah man tlawm tein Sianginn kainak ca Timhtuahnak caah aa tlak. Hi nih an thazaang thawnnak sersiam peng awk le sianginn kainak ah timhtuah awkah a bawmh hna lai. Tuallengsianginn Tuan ah kai Thawknak caah aa tlakmi, asiloah a hmuh kho cangmi ngakchia hna zong zarhkhat ah suimilam 15 nak tam man loin asiloah man tlawm tein Sianginn kainak ca Timhtuahnak hmuhnak nawl an ngei.

Sianginn kainak ca Timhtuahnak kong he pehtlai in nangmah riantuanpiaknak kha na hal khawh, suimilam zeizat dah an pek hna i na fa nih ze i ni dah a kai khawh timi telhchih in.

Na fa nih hmunhma a ngahmi fehter dingah na fa kha Sianginn kainak ca Timhtuahnak ah a rannak in khumh i zuam, zeicahtiah na duhdeuhmi tuallengsianginn ah hmunhma a um lai ti cu a fiang lo.

Sianginn kainak ca Timhtuahnak kong cu hika ah tamdeuh na hmuh khawh: vic.gov.au/pre-prep

Tuallengsianginn Tuan ah kai Thawknak kong thawngthanhmi tamdeuh cu khawika ahdah ka hmuh khawh lai?

- vic.gov.au/education ah va kal law **Sianginn kainak ca Timhtuahnak** kha kawl, asiloah
- Na umnak Fimcawnnak Zung ah phone chawn.

Umnak hmun zung lei pehtlainnak pawl

Umnak hmun	Umnak hmun
Chaklei Nichuah Victoria 1300 333 231	Benalla Glen Waverley Ringwood Seymour Shepparton Wodonga
Chakhlei Nithlak Victoria 1300 338 691	Bendigo Coburg Greensborough Mildura Swan Hill
Thlanglei Nichuah Victoria 1300 338 738	Bentleigh East Dandenong Frankston Leongatha Moe Sale Warragul
Thlanglei Nitlak Victoria 1300 333 232	Ballarat Footscray Geelong Horsham Keilor Warrnambool

Nangmah holh in bawmhnak ngah dingah:

- Rampumpi huap Calehnak le
Hohlehnak lei Riantuanpiaknak
cu **131 450** ah chawn,
- na umnak hmun (a cung ah zoh) caah
nambar chawnh dingah holhlettu hal,
- holhlettu nih phone kha a tlaih lai i holh
a leh lai.



Fimcawnnak Zung nih a chuahmi, Melbourne Sikpar
(November) 2025 (Remhmi) © Victoria Ramkulh